



Привремена заједничка комисија оба дома
Парламентарне скупштине Босне и
Херцеговине за спровођење процедуре за избор
четири члана Управног одбора Агенције за
развој високог образовања и обезбјеђивање
квалитета

Privremena zajednička komisija oba doma
Parlamentarne skupštine Bosne i Hercegovine
za provođenje procedure za izbor četiri člana
Upravnog odbora Agencije za razvoj visokog
obrazovanja i osiguravanje kvaliteta

Privremeno zajedničko povjerenstvo obaju
domova Parlamentarne skupštine Bosne i
Hercegovine za provođenje procedure izbora
četiri člana Upravnog odbora Agencije za
razvoj visokog obrazovanja i osiguranje
kvalitete

Broj: 01,02-50-1-1729-2,4/23
Sarajevo, 6. 9. 2023. godine

Na osnovu člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine («Službeni glasnik BiH», br. 37/03), člana 51. stav (8), (9) i (11) Okvirnog zakona o visokom obrazovanju u Bosni i Hercegovini («Službeni glasnik BiH», br. 59/07 i 59/09) i Odluke o raspisivanju javnog konkursa, broj: 01,02-50 -16-1729-2,3/23, od 6. 9. 2023, **Privremena zajednička komisija oba doma Parlamentarne skupštine Bosne i Hercegovine za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta raspisuje**

JAVNI KONKURS

za izbor članova Upravnog odbora

Agencije za razvoj visokog obrazovanja i osiguranje kvaliteta

Javni konkurs raspisuje se za izbor tri člana Upravnog odbora Agencije za razvoj visokog obrazovanja i osiguranje kvaliteta, na period od tri godine i jednog člana umjesto razriješenog člana do isteka mandata.

1/01 Član Upravnog odbora iz bošnjačkog, hrvatskog i srpskog naroda (tri izvršioca)

1/02 Član Upravnog odbora iz bošnjačkog naroda (umjesto razriješenog člana - jedan izvršilac)

Nadležnosti Upravnog odbora - član 12. Statuta Agencije za razvoj visokog obrazovanja i osiguranje kvaliteta („Službeni glasnik BiH“, broj 86/09) su: donosi Statut Agencije i dostavlja ga Vijeću ministara BiH na saglasnost; daje saglasnost na pravilnike koje predlaže Agencija iz svojih nadležnosti u razvoju visokog obrazovanja i osiguranja kvaliteta definiranih u čl. 6. i 7. ovog statuta; osigurava da rad Agencije bude u skladu s nadležnostima utvrđenim u Okvirnom zakonu o visokom obrazovanju u Bosni i Hercegovini; osigurava da rad Agencije bude u skladu s politikama prioriteta Vijeća ministara BiH i Parlamentarne skupštine BiH u reformi visokog obrazovanja u Bosni i Hercegovini; usvaja Program rada Agencije za narednu kalendarsku godinu, najkasnije do 31. januara tekuće godine, kojim se detaljno uređuju aktivnosti, poslovi i finansiranje Agencije; nadzire provođenje programa rada Agencije; rješava žalbe na rješenje o poništenju rješenja o akreditaciji; određuje vrste usluga koje Agencija pruža uz nadoknadu i visinu nadoknade za pružene usluge; prije 31. marta svake godine usvaja izvještaj o radu Agencije u prethodnoj godini koji se dostavlja Vijeću ministara BiH; jednom godišnje pismeno izvještava Parlamentarnu skupštinu BiH o svom radu; obavlja i druge poslove u skladu s Okvirnim zakonom o visokom obrazovanju u Bosni i Hercegovini i Statutom Agencije za razvoj visokog obrazovanja i osiguranja kvaliteta.

Mandat

- za poziciju 1/01- tri godine

- za poziciju 1/02 – u skladu s članom 7. Poslovnika o radu Upravnog odbora Agencije za razvoj visokog obrazovanja i osiguranja kvaliteta (broj: UO –01-2-17/12 od 19. 11 2012.) na period do isteka redovnog trogodišnjeg mandata (do 16. 4. 2024 - „Službeni glasnik BiH“, br. 23/21 od 16. 4. 2021) razriješenog člana („Službeni glasnik BiH“, br. 41/23)

Opći uslovi

Kandidat za člana Upravnog odbora Agencije mora ispunjavati sljedeće opće uslove:

- da je državljanin Bosne i Hercegovine, stariji od 18 godina,
- da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere, u periodu od tri godine prije dana objavljivanja upražnjene pozicije,
- da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo počinjeno s predumišljajem u skladu s krivičnim zakonima u Bosni i Hercegovini,
- da se na njega ne odnosi član IX. stav (1) Ustava Bosne i Hercegovine.

Posebni uslovi za pozicije 1/01 i 1/02

Pored općih uslova, kandidat za člana Upravnog odbora Agencije mora ispunjavati i sljedeće posebne uslove, i to:

- visoka stručna sprema (VII. stepen obrazovanja) – akademsko zvanje redovnog univerzitetskog profesora uslov je za četiri člana Upravnog odbora Agencije,
- znanje engleskog jezika,
- iskustvo u aktivnostima evropskog područja visokog obrazovanja, posebno evropskih standarda za ocjenu i reviziju kvaliteta i planiranja razvoja visokog obrazovanja,
- iskustvo u reformi sistema visokog obrazovanja u Bosni i Hercegovini.

Potrebni dokumenti

Uz prijavu na javni konkurs kandidat je dužan priložiti:

1. biografiju sa izjavom o nacionalnom opredjeljenju, adresom, *e-mail* adresom i kontakt telefonom,
2. uvjerenje o državljanstvu Bosne i Hercegovine (ne starije od šest mjeseci),
3. ovjerenu kopiju fakultetske diplome (nostrificiranu diplomu ako fakultet nije završen u BiH ili je diploma stečena u nekoj drugoj državi nakon 6. 4. 1992), a kandidati koji su visoko obrazovanje stekli po Bolonjskom procesu školovanja – najmanje 240 ECTS bodova – uz ovjerene kopije univerzitetskih diploma treba da dostave i ovjerenu kopiju dodatka univerzitetskih diploma), i dokaz o akademskom zvanju redovnog univerzitetskog profesora,
4. dokaz o znanju engleskog jezika,
5. potpisanu izjavu s detaljnim navođenjem iskustva u aktivnostima evropskog područja visokog obrazovanja, posebno evropskih standarda za ocjenu i reviziju kvaliteta i planiranja razvoja visokog obrazovanja,
6. potpisanu izjavu s detaljnim navođenjem iskustva u reformi sistema visokog obrazovanja u BiH,
7. dokaz da se protiv njega ne vodi krivični postupak (ne stariji od tri mjeseca),
8. izjavu da nije otpušten iz državne službe u institucijama BiH, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije (ovjerenu od nadležnog organa),
9. izjavu da se na njega ne odnosi član IX. stav (1) Ustava BiH (ovjerenu od nadležnog organa).

Dokumenti se dostavljaju u originalu ili u kopiji ovjerenoj od nadležnog organa, **ne starijoj od tri odnosno šest mjeseci, ako nije drugačije propisano.**

Napomena - dokumenti priloženi uz prijavu na javni konkurs neće se vraćati kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

Ostale napomene

Komisija će provesti proceduru u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

Komisija će pozvati na intervju sve kandidate koji ispunjavaju navedene uslove.

Prije intervjua, svaki kandidat dužan je Komisiji za izbor dati podatke o ranijim neposrednim rukovodiocima od kojih se mogu dobiti preporuke i informacije o kandidatu, te popuniti obrazac-izjavu u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Nakon intervjua, Komisija će jedinstveni prijedlog rang-liste dostaviti Predstavničkom domu i Domu naroda Parlamentarne skupštine BiH radi imenovanja članova Upravnog odbora Agencije za razvoj visokog obrazovanja i osiguravanje kvaliteta.

Podnošenje prijava

Javni konkurs objavljuje se u «Službenom glasniku BiH», «Službenom glasniku Brčko Distrikta BiH», kao i na veb-stranici Parlamentarne skupštine BiH [www.parlament.ba\(Sekretariat/Oglasi/konkursi/interno\)](http://www.parlament.ba/Sekretariat/Oglasi/konkursi/interno), a obavještenje o javnom konkursu u dnevnim listovima: «Glas Srpske », «Oslobođenje» i «Večernji list»

Javni konkurs ostaje otvoren 15 dana od dana objavljivanja u „Službenom glasniku BiH“.

Prijave s traženim dokumentima dostavljaju se lično ili poštom preporučeno, uz upozorenje „ne otvarati“, na adresu:

Parlamentarna skupština Bosne i Hercegovine

Privremena zajednička komisija oba doma Parlamentarne skupštine Bosne i Hercegovine za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta

JAVNI KONKURS za članove Upravnog odbora Agencije za razvoj

visokog obrazovanja i osiguranje kvaliteta s naznakom „NE OTVARATI“

Trg BiH br. 1., 71000 Sarajevo

NAPOMENA* Neblagovremene, nepotpune i neuredne prijave neće biti razmatrane.